

KOMMUNIKAMMA



Teks vir die week

1Pet 3:8,9: "Wees almal eensgesind, medelydend, liefdevol, goedgehartig en nederig. Moenie kwaad met kwaad vergeld of belediging met belediging. Inteendeel, antwoord met 'n seënswens, want daartoe is julle geroep, sodat julle die seën van God kan verkry.

SAKE VIR GEBED

- * Vandag is Biddag vir Gesondheidsdienste.
 - * Peet Viljoen is in die hospitaal.
 - * Johan Vermaak is in die hospitaal na 'n hartaanval.
 - * Dokters kan niks meer doen om Irma Loots te behandel nie. Sy is by die huis. Bid vir haar, Deon en hul familie. Hulle is vir ons 'n voorbeeld in geloof.
 - * Bid vir almal in ons gemeente wat siek is, behandeling ontvang of moedeloos is as gevolg van omstandighede.
 - * Bid vir die matrieks wat eksamen skryf.
- Matrieks in ons gemeente is: Marné Ackerman; Christo Grobler; Nicole Hamilton; Lizmari Hanekom; Elizabeth Lourens; Leana Maré; Soné Müller; Johann Postma; Sumari Pretorius; Marisa Smith; Contasha vd Merwe; Derik van der Merwe; Carli van Onselen en Marius van Rooyen.
- * Bid vir al die aktiwiteite van die kwartaal en beplanning vir volgende jaar.
 - * Ons dank die Here vir die reën wat in sekere gebiede geval het – en volhard in gebed vir die dele van ons land wat deur droogte geteister word.

Hierdie week se gebedsversoek is vir Christene in Qatar:

*** Bid saam met Christen trekarbeiders in Qatar wanneer God hulle geleentheid gee om die liefde van Christus te betoon aan hul werkgewers wat hulle mishandel.**

SONDAG 20 OKTOBER 2019

08:30 Eietydse diens in kerkgebou

09:45 Kategese

Deurdankoffer vir Bybelgenootskap

10:00 Klassieke diens in kerkgebou

11:00 Vanaf 11:00 is daar roosters en kole beskikbaar by die kerksaal. Almal is welkom om te kom bring en braai en die rugby te kom saamkyk op grootskerm.

17:00 Kooroefening vir die Klassieke Kerssangdiens by die kerkgebou. Almal wat lief is vir sing, is welkom. Kom soos jy is. Indien iemand 'n kerstyd getuigenis of verhaal het wat hul graag met die gemeente wil deel by die Klassieke Kerssangdiens, kontak asb Ds MG.

Teebeurt vandag: Vergeet my nie sel

Teebeurt 27 Oktober: Santjie v Niekerk Bybelstudie

MAANDAG 21 OKTOBER

12:45 Gebedskild in die gebedskamer.

WOENSDAG 23 OKTOBER

18:00 Selleiersbyeenkoms.

VRYDAG 25 OKTOBER

MANNEBYEENKOMS

05:00 Mannebyeenkoms by Elandré Bosch, Lilylaan 68.

VRYDAG 25 OKTOBER - FONTEINVRIENDE

VERKOPING

Vetkoeke (curry bunnies) R15

Pannekoek R5

Kom ondersteun asb ons fondsinsameling.

Bestellings kan na elke diens agter in die saal gegee word, of by die kerkkantoor.

Navrae: Elna Thiart 083 662 1774 of 041-360 2225.

Bestellings kan tussen 16:00 en 18:00 afgehaal word op 25 Oktober.

TIENDEMAAND DANKOFFER

Die tiendemaand dankoffer is nog 'n geleentheid om uit dankbaarheid die Here te dien. Tiendemaand dankofferkoeverte en inligtingstukke sal in die wyke uitgedeel word en is ook in die voorportaal beskikbaar.

Sondag 27 Oktober is tiendemaand dankoffer Sondag. Daar is geen verpligting op enige iemand om dankoffer te gee nie. Maak asseblief die saak biddend met die Here uit. Hoe dankbaar is jy?

KWARTAALPROGRAM

Hier is 'n paar belangrike datums vir die laaste kwartaal:

Vrydag 25 Oktober: Kosverkope Fonteinvriende.

Sondag 27 Oktober: Hervormingsfees en 10^{de} maand dankoffer.

15:00 Cantando@Algoa en ander kore tree by ons kerkgebou op. Toegang is gratis, maar 'n kollekte sal opgeneem word om onkoste te dek,

Sondag 3 November om 09:00: Gesamentlike Nagmaal en inwyding van die kerkgebou.

Vrydag 8 November: Gemeente se Kersmark.

Sondag 10 November: Hein Knoetze, wat skoolhoof was by die Driehoek skool toe die loopbrugramp plaasgevind het, kom lewer sy getuienis by altwee eredienste.

Sondag 17 November om 09:00: Gesamentlike eietydse Kerssangdiens en Kategese afsluiting.

Sondag 24 November om 09:00: Gesamentlike klassieke Kerssangdiens.

VIA (Vroue in Aksie)-afsluitingsfees - Maandag 28 Oktober om 18:30 in die saal

Koste: R50

Tema: God maak nuut en mooi - ongeag my verhaal.

Kom luister na Heilencia en skep kreatief saam - al het jy 10 duime

Elkeen sal met 'n kunswerk-op-lap wegstap!

Wat om saam te bring: Koerantpapier, 'n voorskoot en 'n koffiebeker

(Opsioneel: skilderkwas, stensil, stempel.

Koop 'n kaartjie in die maalruimte of by die kerkkantoor.

Bring 'n vriendin saam!

Al die vroue word uitgenooi - ongeag of jy al ooit gekom het (of kan verf)!

MTR SMIT LIEFDADIGHEID GHOLF DAG (American Four Ball Scramble)

Op Vrydag 1 November by Wedgewood Golf en Country Estate. R2000 vir 'n span van 4 sluit aandete by prysuitdeling (18:30) in. Borge vir bowwe of groenvelde gesoek. Die kinderhuis is geregistreer vir 18A kwitansies. Kontak met Tanya by 041-3671103.

HUIS LOUISA MEYBURGH

Die Tehuis benodig op 'n gereelde basis toiletware soos seep, skeermesse, pleisters, babapoeiers, ens. Enige bydraes kan by kerkkantoor ingehandig word. Kontakpersone is Marlene Postma (0413605243) of Ansie Vorster (041-3794169).

KERSMARK 8 NOVEMBER

Kraggakamma gemeente bied hierdie jaar 'n kersmark aan. Indien jy 'n stalletjie wil hê by die mark, kontak Niekie of die kerkkantoor vir inligting.

Daar gaan 'n Witolifanttafel wees, asook 'n tweedehandse boekverkoop.

Ons is ook op soek na lidmate wat sal help bak, kosmaak en verkoop tydens die kersmark. Kontak die kerkkantoor indien jy wil help.

KOM DIEN DIE HERE MET JOU GAWES

Ons het mense nodig as kerkraadslede en om te kom help by die diensterreine. Kontak enige dominee indien die Here jou lei om te kom dien met jou gawes.

NUWE LIDMATE

Baie welkom by ons. Vul asb die groen vorm in die voorportaal in en plaas dit in die klein houtkissie by die vorms in die voorportaal. U kan ook die **vorm vir nuwe intrekkers** aflaai en dan voltooi. Ons sal u so gou moontlik kontak.

Teken gerus in op ons e-nuusbrief by:

kuberkamma@ngkraggakamma.co.za

Nog inligting oor ons gemeente is beskikbaar op ons webwerf: www.ngkraggakamma.co.za.

DIENSTE GELEWER DEUR KERKLIKE MAATSKAPLIKE DIENSTE

Die NG kerk se gespesialiseerde barmhartigheidsdienste is vanjaar aan meer as 1,2 miljoen mense gelewer. In 107 tuistes vir bejaardes word 12 388 bejaardes versorg. 'n Verdere 191 765 persone word in tuisversorging en uitreikprogramme bereik. Vanuit 58 Kinder- en Jeugsorgsentrusms word 8 777 kwesbare kinders versorg. 'n Bykomende 13 000 kinders in die gemeenskap word deur kinderbeskermingsorganisasies beskerm. Jaarliks word aan meer as 822 818 individue binne en buite die familieverband, gesinsorgdienste gelewer. Die gesamentlike finansiële omset van al die kerklik maatskaplike dienste, beloop jaarliks meer as R1 161 963 000 (meer as R1,1 miljard). Hierdie is 'n enorme diens met 'n geweldige impak en uitdagings. Bid hiervoor.



Gebruik SnapScan en betaal jou:
Dankoffer
Maandelikse Bydrae
Donasie, ens..